

կանգ առնել եւ պարզել Պարթեւ-Պահլաւների ծագման, զարգացման էական կետերի վրայ, որոնք այնպիսի թանձր քողով են պատած, որ որքան էլ շատ քննուի, այնքան նպաստաւոր եւ օգտակար է մեզ համար: Խորենացու ցուցումների համաձայն Պարթեւ առաջին դահակալ Վաղարշակի միայն գլխաւոր դործն է լինում կարգի բերել նախարական տների իրաւունքներն ու աստիճանները: Անշուշտ նախարարներին եւ թագաւորներին չէր կարող այնքան հետաքրքրել, թէ ո՞ր նախարարը, ո՞ր աստիճանին տեղ պիտի բռնէ արքայական սեղանի շուրջը, այլ ո՞րքան է այս կամ այն նախարարութեան կալուածների տարածութիւնը: Արեւելքում քաջերը սահման չունին, նրանց սահմանը սրով է որոշւում, այս պատճառով երեւի միշտ ծանր եւ երկարատեւ վէճեր են եղել նախարարական կալուածների շուրջը. Վաղարշակը տքնել է բարեկարգել եւ հաշտեցնել: Սկզբնական աշխատութիւնը ամբողջ Հայաստանի դաւառների բաժանման կանոնաւորումն է, որ վէճերը ջնջուին եւ խրժոժութիւնները, իրար դէմ յարձակումները դադարին:

Չի կարելի ասել, որ նախարարութիւնները կերպարանաւորում եւ դիրք են դրաւում Պարթեւների օրով, ո՛չ. այդ նախարարութիւններն այնքան հին են, որքան հին է Նայիրի երկրի բնակչութիւնը, Հայաստանի